



Ramhlun North YMA Chanchinbu

“YMA thuvawn: YMA chu tanpui ngaite tanpuitu a ni”

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43

Issue No. 3

Ramhlun North: Ni 18 January 2025



BRANCH THUTHAR

■ **YMA In luah theih:** RNYMA In No.5, Taitesena Section-a Mizofed building chung ber chu a ruak a, chenna atan ni lo, Office emaw dawr emaw, etc atana luah duh tan January ni 25 ral hmain ziaikin Secretary RNYMA hnenah dilna theh luh theih a ni. YMA in hi square feet 840 vela zau a ni. Luah man thla khatah ₹10,000/-



CYMA CHETVELNA

13.1.2025: Central YMA Office-ah Kuki Zo Council hrutute an leng a, Central YMA-ten an lo dawngsawng.

13.1.2025: Central YMA Office-ah Pu Richard Vanlalmangaiha, MP (LS) a leng a, Central YMA OB-ten an lo dawngsawng a, Pu Richard-a hian Central YMA-in Ruihhlo Do hmalakna atan Rs. 10,000/- a hlan.

14.1.2025: Secretariat Conference Hall-ah Krismas leh Kumthar vuakveta Halpuah leh Halmawi khap chungchang thlirlet meeting neih a ni a, Central YMA OB-te an tel.

13.1.2025: Director, I&PR Deptt. Pisa-ah Chapchar Kut, 2025 Post Souvenir Editorial Board meeting neih a ni a, Pu Fabian Lalfakawma Asst. Secretary a tel.

16.1.2025: Raj Bhavan Circular Lawn-ah General Vijay Kumar Singh chu Gauhati High Court Chief Justice Vijay Bishnoi-a'n rinawmna thu tiamtirin Mizoram Governor 25-na turin a la lut a, Central YMA OB-te an tel.

16.1.2025: Chief Minister Conference Hall-ah Chapchar Kut, 2025 Organising Committee meeting neih a ni a, Central YMA OB te an tel.

16.1.2025: Pu Lalmuanpuia Punte, MLA, Adviser to CM Pisa-ah Study Team on Displaced Persons meeting neih a ni a, Pu Fabian Lalfakawma Asst. Secretary a tel.

RNYMA EXECUTIVE COMMITTEE MEETING HMASA BER NEIH A NI

January 14, 2025 (Thawhlehi) zan dar 6:15 khan Ramhlun North YMA Committee Room-ah Ramhlun North Branch YMA Executive Committee meeting hmasa ber neih a ni. Thurel tan hma hian zanriah kil ho a ni. Thurel tlangpuite chu:

SECTION DIN CHUNGCHANG: Section din leh ni se tih a ni a, a huam chin leh hming bakah Section rawngte (Vanapa: Navy-blue, Taitesena: A eng, Chawngbawla: A paw-dal, Neuva: A hring, Khuangchera: A sen leh Saizahawla: A var) pawh a ngai hman leh ni se tih a ni.

Section hruaitu thlan January ni 31, 2025 (Zirtawpni) zana neih tura rel a ni a, Section tinah Nomination 12 tal siam ni se, post-by-post-a inthlan tur a ni ang. Section inthlanna hmun tur hetiang hian ruahman a ni:

Vanapa Section	:	Pu R. Lalrinmawia In
Taitesena Section	:	MHIP Building
Chawngbawla Section	:	YMA Committee Room
Neuva Section	:	AM Management
Saizahawla Section	:	Chawngbawla Rûn
Khuangchera Section	:	Rûn Mawi

CHHIATNI FUND CHUNGCHANG: Chhiatni Fund hi kumin 2025-ah a nawlpuih Rs. 500/- a khawn ni se tih a ni. Special List siam leh ni se, February thla tir atanga khawn tanin, March thla chhunga khawn fel hman tura tih a ni.

SUB-COMMITTEE HRANG HRANG OFFICE BEARER-TE LEH IN-CHARGE HRANG HRANGTE

THLANMUAL COMMITTEE

Chairman	:	Pu Laldinglana Sailo, President
Vice-Chairman	:	Tv. Lalrinpuia
Secretary	:	Pu Lalchhuanawma
Asst. Secretary	:	Pu Lalremsanga Hnamte
Treasurer	:	Pu Vanlalruata Ralte

MARYMA

Editor	:	Tv. Eddie Lalfakzuala
Joint Editor-te	:	Nl. Lalrotluangi Zote, C-Sec. Pu RK Lalmuanpuia, V-Sec. Dr. Vanengmawia, K-Sec. Pu Lalnuntluanga, V-Sec.
Manager	:	Pu C. Lallianzuala

KUMPUAN

Chairman	:	Pu Lalrochama Vice-President
Vice-Chairman	:	Pu Ramfangzauva
Secretary	:	Pu R. Lalrinlana
Asst. Secretary	:	Tv. Lalthanchunga

PROPERTY

Chairman	:	Pu Thandinglana, Finance Secretary
Vice-Chairman	:	Tv. Lalawmpuia
Secretary	:	Pu Isaac Zothianghlina
Asst. Secretary	:	Pu Lalthlenglana
Treasurer	:	Nl. Lalrokimi

LIBRARY

(Documentation an hma tel ang)

Chairman	:	Pu C. Lalremruata
Vice-Chairman	:	Pu Lalramnghaka, N-Sec.
Secretary	:	Pu John F. Lalrinsanga
Asst. Secretary	:	Tv. Joel L. Hrahse, C-Sec.
Treasurer	:	Nl. Elizabeth Lalnuntluangi

MUSIC

Chairman	:	Pu Lalmazawia
Vice-Chairman	:	Pu K. Vungmanga
Secretary	:	Pu H. Lalthazuala
Asst. Secretary	:	Pu Malsawmzuala Ralte

DISASTER

Chairman	:	Pu Rorelliana, Treasurer
Vice-Chairman	:	Pu VL Pianruala
Secretary	:	Pu Lalremsanga
Asst. Secretary	:	Pu KC Lalramluahpuia

SAWHCHIAR IN-CHARGE

Pu Thandinglana, Finance Secretary
Pu Vanlalrova, Pu H Rodinglana,
Pu Lalhriatpuia, Pu C. Lalremruatfela,
Pu Lalrampana, Pu Lalfakzuala,
Pu Lalnunmawia, C-Sec.

MOTOR IN-CHARGE

Pu Laldinglana Sailo, President,
Pu Lalneihhlua, Pu Lalhriatpuia,
Pu C. Lalremruatfela, Pu H. Lalthazuala,
Pu H. Rodinglana, Pu Isaac Zothianghlina,
Pu Lalremsanga

CENTRAL YMA CHANCHINBU AGENT

Pu K. Lalruatkima
» Section Asst. Secretary-te Sub-Agent an ni ang.

GARAGE IN-CHARGE

Pu Thandinglana, Finance Secretary

KUANG IN-CHARGE

Pu Rorelliana, Treasurer



Chîn dan tha inrochun

Kum 2025 a inñan chiah khan Generation thar - Generation Beta a inñan a, zanlai dar 12:03 a nih chuan Frankie Remruatdika Zadeng chuan he khawvel êng hi rawn hmuin India rama generation Beta-a mi hmasa ber a rawn ni nghâl dêr mai! He generation thara piangte hian engtin tak kan khawvel hi rawn chên ve ang i maw?

Thangthar nun a nin em avanga fâm chang ta Thasiama kha rawn tho leh ta se, vawi 13 aia tam a thi nawn thei hial mai lo 'ng maw? Kan pian kum leh seilen hun azirin kan tawnhriat leh paltlang a inang lo a, chu chuan rilru sùkthlêk thlengin a nghawng a. A piang hnunung apiangte khawvel hi a lo nawmsak hman zawk zel avangin generation hnunung apiang hi an SOFT tial tial te pawh niin a lang. Rual u zawkte ngaiha ho tê anga ngaihah pawh rilru natna leh beidawnna nei pawh kan pung ta zel niin a hriat. Rual u zawkten ho viau angin ngaihsak mah se, an dinhmun leh harsatnate chu an hun laia mi nen a inan tawh loh thuin an chhâng lêt ve zel tawh thin bawk si.

Thil tam takah thangtharte hian rual u zawkte lakah chungnunna nei mah se, chhel kawngah te, tlawmngaihna leh hmangaihnaah te, tihtakzetnaah te, inpeknaah te hian rual u zawkte hi thangthar zawkte hian kan pha lo thin hle. Kan pi leh pu, hman lai mi te, hranghluh te chanchin han chhui kir ila, an lo chhel thinzia te, an huaisenzia te sawi tur leh hmuh tur a tam em mai. Chungte chu vawiina thangtharte hian kan entawn zel atan a thain a pawimawh hle. Thil tha hi chu inrochun a, inhlanhhawn zel a ngai.

Vawiina kan hmuh YMA hi kum 100 chuang liam daih tawh generation-a mite din mah ni se, a inkaihhruainate hi vawiina kan society inkaihhruai nan a la tha tawkin a la him tawh hle; thil tha tam tak, chhawm hleih theih tawh loh, kalsan leh thlahu thlak nei tho mah ila. Vawiin thlenga YMA-in kan la chhawm nun hram hram chu mitthi lumen te, khawhar ina lèn te, thlan laih te a ni deuh ta mai. Heng thil tlem tê tal hi chu inbikbosan lova tih ho dal dal zel hi kan society hian a la thlahlel reng a, kan vawn nun hram hram a pawimawh hle.



LUNGPHUN ROPUI (Lianpuia Lungdawh)

Lungphun Ropui hi Lianpui khuaa awm niin khaw luh tirh, mual pâwngah a awm a, Champhai chhim lam kilometre 55 vela hla a ni. Tun hma chuan heng lungdawh hi 'Lianpuia Lungdawh' tia sawi mai thin a ni a, tunah erawh chuan 'Lungphun Ropui' tih a lo ni ta. Lungphun ropuia hian lungphun 136 vel a awm. Ram neitu Lianpui khuain humhalh leh ngaih hlut nachang an hriat hma khan thlanlung atan leh lungrem atante an lo la darh nual tawh a ni âwm e. Lungphun eng emaw zatah milem chi hrang hrang a pawng chhuak zawnga ker hmuh tur a awm a, engmah ker awm lova phun tawp pawh lung eng emaw zat a awm bawk.

Lianpui khawlai hmun hrang hrangah hman lai sulhnu lung ker khuar hmuh tur a awm bawk a. A zau zawng, a pian zia leh a awm dante awmze nei lutuka a lan loh avângin eng atana hman nge hriat thiam a har hle. Tin, Lianpui khaw ram chhung hmun hrang hrangah lamlan (kawngpui) hmuh tur a awm thluah a. Heng lamlan te hi 'Mirawng Kawng' tih te 'Leirut' leh 'Saitluang' ti tein a khaw mite chuan an sawi. Tin, Lianpui khaw hlui atanga hmar lam 300 metres vela hlâah tlang dung a awm a. Chutah chuan lung phun chawp ni lo, ram leilunga awmsa lung lian ve tak a awm a, a pangah thil lem eng emaw zat ker a ni. He lung hi Lianpui khua chuan 'Lungziak' an ti.

Heng sulhnu hluite hi humhalh leh venhim a pawimawhzia an hriat hnuah a khaw neitu Lianpui khawtlang pawhin tha leh zung, sum leh pai tam tak sengin humhalh hna an thawk a, Mizoram sawrkar pawhin sum tam tak a seng tawh bawk.

Lungphun Ropui - Lianpui khuaa mi leh Kawtchhuah Ropui - Vangchhiaa lungphun kan hmuhte hi an lung ker dan


kalhmang leh thil lem kerte a inan em avâng te, an khaw hlui ni âwma langah sulhnu, lung ker khuar eng emaw zat a awm ve ve avâng te, an inkalpawhna kawng ni âwm tak lamlan hlui thui tak tak hmuh tur a awm avâng tein heng lung phuntute hi hun khata cheng, hnam khat, inpawh tha tak an nih a rinawm. Heng hmuna an awm lai hian thlamuang takin hun eng emaw chen an cheng a, khua leh khua pawh an inkalpawh viau niin a ngaih theih. Chutih rual chuan, Mizoram chhung hmun dangah pawh hetiang lungphun hi awm teuh âwm a nih laiin, Kawtchhuah Ropui - Vangchhiaa mi leh Lungphun Ropui - Lianpui khuaa mi bak a pâwnga ker, a hlawma phun hmuh chhuah a la ni lo hian heng hun laia mi chêngte khaw lian ber zinga mi niin a ngaihrut theih awm e.

Heng a hlawm puia lung phun bakah hian Sazêp ram, Lungpher Pûk Chungtlanga mi te, Mangkhaia Lung, Zotlang, Champhaia mi te, Khankawn ram chhunga Chawngvungi Lungdawh an tih te, Chhura fa rep, N. Vanlaiphaia Lungphun te, Pukzing bula 'Lung phun lian' an tih te bakah khawi khawiah emaw chuan a mala lung phun, a lem pâwng zawnga ker hmuh tur a awm bawk. Heng lung phuntute hi Mirâwng kawng an tih hian a zawm vek nia ngaihrut theih a nih bawk avângin a phuntute hi hun khata cheng leh hnam thuhmun an nih a rinawm.

Lungphun Ropui, Lianpui khuaa mi hi tute kutchhuak leh sulhnu nge tih thuah Mirâwng kutchhuaka ngai an awm a, Lianpui khaw sattu Palian lal Lianpuia'n

a ropuizia lantir nana a phun nia ngai an awm bawk. Kum eng emaw zat liam tawhah khan heng hun lai velah hian eng hnam emaw ropui takin hun rei tak chhung an lo cheng tawh ang a, chung mite sulhnu chu a ni ang tia ring an awm bawk. He chanchin ziah a nih lai hian a nihphung

chiang zawk hre tur leh humhalh turin Archaeological Survey of India (ASI) chuan National Importance-a puan theih turin hma a la mêk a, zir chian a nih hnuah thil chiang zawk kan la hre thei mahna.





DAMLO

- Pi Lalliani w/o R. Vanlalkunga (L), S-Sec chu taksa chak lohna avângin in lamah enkawl mek a ni.
- Pi Lalngaizuali w/o Tuikhuahthanga, N-Sec chu taksa chak lohna avângin Ebenezer Hospital-ah enkawl mek a ni.
- Pi Thanmawii w/o Lalhnehzova T-Sec, luak leh kawthalo avânga Civil Hospital-a awm chu dam takin a lo chhuak.
- R. Lalhlimpuia s/o R. Lalremruata, S-Sec, Trinity Hospital-a a bán zai chu dam takin a lo chhuak.
- D. Lianmanga s/o Manluni, S-Sec, Civil Hospital-a zai chu dam takin a lo chhuak.



ZIN & HAW

- Pu Malsawmthara h/o Laldinpuui K-Sec, Kolkata-a in-checkup chu dam takin a lo haw.
- Pu Vanlalmuana Ralte te chhungkua, N-Sec, Kolkata Apollo Hospital-a an nupa in-checkup chu dam takin an lo haw.
- Nl. Lalruatfeli Ralte d/o Vanlalnghaka Ralte, N-Sec chu a hnathawhna hmun Kawnpuiah tun kêr khan a lêt leh ta.



ZIN & HAW

- Pu H. Lalrinawma te nupa, C-Sec chu an fanu tlawhin Ludhiana, Punjab-ah an zin.
- Pu Vanlalfaka te nupa leh an fanu Nl. Lalrempuii Varte, N-Sec te, eizawnna thila Zobawka zin chu dam takin an lo haw leh ta.
- Pu K. Vanlalnghaka, K-Sec. chu Kohhran thilah Chawngte P-ah a zin.
- Nl. Vanlalmangaihi Sailo d/o Laldingliana Sailo, Branch President, T-Sec chu zima thilah Mumbai-ah a zin.



MUP

- **2025-2026 MUP Ramhlun North Branch Hruaitu tharte**
President : Pu Vanlalnghaka Zote
Vice-President : Pu K Zahmuaka
Secretary : Pu R Laldinliana
Asst. Secretary: Pu Lallaisangzuala
Treasurer : Pu Lalduhawma Hauhnar
Fin. Secretary : Pi Lalbiakzuali



INSAUN

- Nl. Laldingpuui te unau chu Pu R. Lalchhuanmawia, V-Sec te in ațangin Pu Jeremiah L. Fanai, T-Sec te in hnuaiah an insawn.



ARTICLE



VANLALDINI, V-SEC

KUMTHAR PRESENT 2025 HLU TAK! TLAWM BAWK SI!

Tum khat chu U.S (America) “Tar In” (Old Age Home) pakhat ka tlawh tumin Pitar, Virginia-i chu “Eng nge tihsak tur chea min duh” tia ka zawh chuan len chhuahpuia, lotion leh cream lei a duh ber thu min hrilh a. Krismas hun pui, khua a vawh em em lai, vun ro hun lai a ni rêng a. Pi Virginia-i duhthusam chu rilrua awm rengin leh Dr Siampara thuziak, 7th Dec, 2024 MARYMA issue-a chhuah khan he thu beitham tê tal hi ziaik turin min fuih phûr a, mi tu emaw tan tal țangkaina a nih takin tiin ka rawn ziaik ve râwih mai a ni e.

Present pek tur hi THIL a ni ringawt lo va, a tiha tih, a sawia sawi a ni thei. An hun hnuhnung lam hi hlim tak leh nuam zawka an hman theih nan tih theih tam tak kan nei. Tlem azawng lo tar lang ila:

A. I hun leh tha an tan pe phal țhin rawh —

- i) Chumi khami hmunah chuan ka hruai ang che chu.
- ii) I thawmhnaw hi ka lo sūk/ nawhsak ang che aw.
- iii) He chanchin bu/ lehkha bu hi ka han chhiarsak ang che.
- iv) Thingpui ka han lumsak/ chaw ka siamsak ang che.
- v) Vawiin chu ka han awmpui tawp mai teh ang che.

Or (vawiin chu i duh leh țul apiang tihsak tur chein i bulah ka han awm tawp teh ang)

B. A tana hriat nuam tur thil sawi țhin rawh —

- i) Zingah – Nizan i mu țha em? Or I tho harh țha em?
- ii) Zannah - I mut hmain mamawh eng nge i neih ang aw?

Or- Ka mut hmaa han tihsak che țul a awm em?

Or Tui takin i mu dawn nia/mangțha aw.

- iii) I damdawi kha i ei ta em? I damdawi ei tur kha aw.

iv) Chumi khami-ah ka kal dawn a; a nih phawt mai aw (or) Bye bye (or) lo dam ang che aw.

v) Lehkha ka zir zawh hunah chuan/Hna ka thawh ve hunah chuan chutiang khatiang chu ka leisak (ka tihsak) ve ang che.

C. A thiltih eng eng emaw chu i ngaisang tih hetiang hian lantir țhin ang che —

- i) Kha kawr/ puan/ pheikhaw kha i inhme h riauvin ka hria.
- ii) I lang naupang tlat/ I lang tar lo khawp mai a.
- iii) I dawhtheihna/ thawhrimna/ rinawmna/ hma thlir thuina hi chu kan ngaisang khawp mai.
- iv) Min țawngțaisak țhinna hi ka ngaihlu tak zet a ni.
- v) Mamawhtute/ chanhai zawkte i lainatna hi chuan min hneh tak zet a ni.

Eng present nge tun kum thar kum 2025 hian Upate i pek ve dawn le?

IT IS WELL WITH MY SOUL

~ VL Hruaitluanga ~

Khawvela hla phuah chhuah tawh zinga hla lungkuai leh sak hlawh tak mai “It is well with my soul” tih hla Mizo țawnga a thlûk milpuia hla kan neih erawh “Khawvel hrût chhuak ila” tih Pu Zosapthara phuah niin, Pu Zosapthara hian Horatio Spafford phuah a letling lo niin a lang a, a thlûk erawh a hawh niin a lang.

It is Well with my soul pawh hi a thlûk hi Horatio hian a siam nghal lo a, Phillip Paul Bliss-a’n kum 1879-a a siam a ni. He hla lo chhuahna chu hetiang hi a ni: A phuahtu Horatio Spafford hi America ram Chicago-ah Ukil hna thawka awm a ni a, kum 1828 October ni 20-ah a piang a, a pa chu Kohhran Upa a ni. A puitlin hnuin Law firm lian tak mai a țhiante pahnih H.O Mc Daid leh John P. Wilson te nen an din ho a, an hun laia ukil țha ber ber niin sum pawh an hai lût hnem a, tin, in leh lo luah man awm chi (real estate) hmangin sumdawnna a kalpui baw k a, America ramah chuan pa neinung pawl tak a ni ve țhin a ni.

Kum 1861 September ni 5-ah Norway nula Anna Larsen nen an innei a, fa 5 an nei a, mipa 1 leh hmeichhia 4 an nei a ni. Chhungkaw hlim thei tak mai an ni a, hlim taka an awm laiin chhiatna chuan tuifawn ang maiin a rawn su ta dawt dawt mai. Kum 1870-ah an fapa neih chhun kum 4 mi Horatio Jr. chu Khawsikpui avangin a thi thut mai a. An fapa an sôn zo fel êrh âwrh chiah tihin kum 1871 khan a in leh lo zawng zawng deuhthaw, a bungraw neih hlu leh a ranrualte nen Chicago khawpui kangmei chhuakah a kang ral zui vek baw k. Chutia kum 2/1 chungh leka chhiatna an tawh zawn tâkah chuan lungngaia indawm kun reng loin ‘Chhungkuain i zin khawthawng teh ang’ tiin an țhianpa Pathian thuhritlu DL Moody-a rawngbawlna chhima England-a zin turin Lawng ticket an lei a, Lawng a kal chhuak țep tihin a hna thilah koh chhuah leh a ni a, loh theih lohin a nupui leh a fanu te 4 chu kal hmasaktirin a hnua Lawng chhuak leh hmasa bera chuang turin an inthlah a. Mahse an vanduaia belhchhah tur tingin a nupui fanaute chuanna lawng pawh chu Atlantic tuifinriat chungah Sumdawng bungraw phur lawng nen an insut avangin a pil leh a, mi 200 laiin nunna an chên a, chung zingah chuan a nupui tih loh a fanute 4 chu an thi fai leh ta vek mai. A dam chhuak awm chhun a nupui chuan England ram a thlen vele Thirhruai thawvatin, “Lawng a pil, dam chhuak awm chhun ka ni. Engtin nge ni zel dawn?” tih hi a va tawn. A chhungte chanchin a hriat vele Horatio chu England panin Lawngah a chuang nghal a, an zinkawngah chuan Lawng Captain chuan lawng verandah-ah hruai chhuakin Horatio chu a nupui leh fate chuanna lawng chetsualna lai a kawhhmuh a, Horatio chu lungchhe takin a cabin-ah a lêt a, a țhu hnaw k a, heti hian hla a phuah ta a ni.

"Muannain lui anga ka kawng a zawh laiin

Lungngaihna tuifawn phûl mah se

Eng pawh taw k ila, min enkawl naah hian

Ka thlarau a dam e, a dam e"

tiin lungchhe tak chungin a phuah chhuak ta a ni. Mi pakhat thil tawn lungchhiatthlak tak chuan mi tam tak thlarau lungchhia thlamuana, tihahdam sawng sawng thei tur khawp hla mawi a rawn hrin chhuah tir a. He hla thu rawn pian chhuahna dinhmun hriatna hian hla thu awmzia hriatthiamna thûk zawk min neihtir a. Heng hla thumal tin leh țlar tin hian ringtuten harsat leh lungngaihna ruamah pawh Pathiana rinna an nghah thûkzia leh thlamuanna an chanzia chanchin thui tak a inphûm a, chutiang taka an thlarau lungchhia an bun chhuahna hla pawh he hla hi a ni ■



ARTICLE



H. RODINGLIANA, MANAGER



ADVERTISEMENT

KHAWTLANG RAWNGBAWL HNA PAWIMAWH - “CHANCHINBU SEM”

Kan khawtlang inrelbawlna pawimawh hrang hrangte leh veng chhung thil thleng pawimawh tak tak te, chhung tinte tana hriat tur pawimawh hrang hrang kan inhrilh hriatna hmanraw pawimawh leh tangkai tak chu YMA chanchinbu MARYMA hi a ni kan ti thei awm e. Social Media thang zelin chanchin bu thenkhat hlutna a tihnam hle nia sawi awm thin mah se, MARYMA erawh veng chhung mipui tam zawkin kan la hlut viau niin a lang. YMA hmalakna leh chetvelna te, Local Council hriatirna pawimawh te, NGO leh pawl hrang hrangte thu leh hla te, Sporting club-te chetvelna te, damlo, zin leh haw, innei, naute nei thar te bakah peng hrang hranga hlawhtlinna chang te, khawthlir leh article thlenga chhiar tur a awm thin hian hlut a la hlawh phah hle niin a lang a, veng mipuite min tipumkhattu hmanraw tangkai tak pakhat a ni ti pawhin kan sawi thei awm e.

Khawvel thang zel leh changkang zel vangin mi tin kan buai ta hle a, puitling zingah hna nei lo kan awm ta meuh lo ang bawkin zirlai naupangte pawhin an zirlai an bei ngawrh ta hle. Ni tin zirna hmuna an kal bakah zirna atan an hun tam zawk an hmang ta a, hunawl tia sawi tur an nei ta meuh lo. Heng hi hmasawna tha tak leh pawimawh em em a ni a, hetih mek lai hian anni rual hi khawtlangin a mamawhna a la sang viau a, inthlahrung takin veng chhunga YMA chhang rual, tleirawl/rawlthar rualte YMA chuan MARYMA semtu atan a lam chhuak lo thei lo thin a ni.

Nu leh pa thenkhatin khawtlang tan chuan kan tih ve tur alawm tia kan fate phal tak leh ui lova kan lo chet chhuahtir hian in tin deuthawin kan veng a thil thleng leh hriat tur pawimawh tam tak kan lo hriat phah ve thin a, tlawmngaia chanchin bu semtute hian khawtlang rawngbawl hna pawimawh tak an thawk a, an fakawmin zah an phu tak zet zet a ni.

Mi tin hi buai lo leh tih tur nei lo kan awm ta meuh lo va, kan hna leh tih tur pawimawh kan tih piaah lamah khawtlangin min mamawhna peng thenkhat a lo awm ve thin baw. Hetiang karah hian tlawmngaih kan chhuah hram hram a ngai a, kan khawtlang a lo nawm a, mi tin inpawh tlang taka kan awm theihna tur te, tanpui ngaite kan inpuih tawn a, kan inchhawmdawl zel hi a pawimawhin kan chin chhonzawm zel atan pawh a tha hle. Kan theih chin leh theih hunah chuan mi dang kuta dah vek lovin he veng/khawtlang tan hian peng khat tala ke pen tum theuh ila, veng nuam, veng dang tana veng entawn tlak leh veng awhawm nih chhonzawm zel i tum theuh ang u. ■

STEPPING STONES

Child Education Centre



PRE SCHOOL & DAY CARE

Admission Open

2025-2026

Contact - 9612358041/8787487732

Ramhlun North, Aizawl

KC TUI

Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 7005010327 / 9774223462

M.S. SEPTIC TANK SERVICE

Septic Tank khat paihfa, commode Block, Pipe Block leh Soakpit hlui leh a thar siam repairing engkim kan thawk reng e.

Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

VALTEA STEEL AND ALUMINIUM FABRICATION

Steel leh Aluminium eng chi pawh siam tur neite tan koh leh biakrawn theih reng kan ni e.

LD - 7640879768 | 9366215935

ETHAN GO MOBILE

RAMHLUN NORTH-Ph: 9863179654 | 8794521678

SONY GOOGLE TV

(SONY authorised dealer with brand warranty - EMI AVAILABLE)

JOHAN'S COMPUTER INSTITUTE (JCI)

(GOVT. APPROVED INSTITUTION)

Near LH Thanga Enterprise, Industry Peng, Ramhlun 'N'
Contact No. 7005608874

COMPUTER CLASS (Jan - Jun Session)

FREE ADMISSION OPEN

COURSES: 1.CCC; 2. DCA 1st & 2nd Sem
Timing: 6:30am-8:30am
10:00am-5:30pm | 6:30-9:00pm
Instructor: C Lalbiaknunga (Nungtea), BE Comp. Sc & Engg.

COMMON SERVICE CENTRE (CSC)

kaltlangin hengte hi kan ti thei baw

Pan Card | Motor Insurance | Learner's Licence | Tribal/Residential/
Income Certificate | Indian Passport | GST Registration | UDYUM Regis-
tration | Inmun Hmingthlak (Sales & Gift Deed) | Bank Mortgage &
Release Lease/Rent Agreement

E-STAR COMPUTER CENTER

(MSCTE Govt' Approved Institution)

FREE ADMISSION!!!

2025

DCA - 1&2 Sem (January to June) a zir duh tan
Admission a tih leh theih ta e.

Contact No- 8731875084 / 7005421131

PAN CARD, Aadhaar card download, Employment
Registration, Income, Residential leh
in hmun hming thlak kan buaipui thei baw e.

ER. ZOSANGLIAN BUILDING,
ZOTE ARCADE 3rd FLOOR,
NEAR D-3, OPPOSITE NAZARETH HOSPITAL,
RAMHLUN NORTH